

學臣內陞皆見採用陟督捕疏請熱審減等照刑部窩逃例移順天府發配又隱匿旗人初有連坐例奸民率挾私妄計之桂奏請行郡縣查覆以杜誣枉由是省釋無算後官至通政使乞歸

梁鉉通志字子遠三原人賦姿英敏登順治乙未進士選庶常旋改給諫遇事指陳得失無所回護歷官三十年僦屋而居有勸其置買田宅者則引清白貽子孫語以謝之歷倉場總督戶部侍郎生平於書無所不讀丁外艱悲泣傷目母卒哀毀逾甚遂失明卒子澐之由諸生令湖口再令富川馴服苗夷邑中向化歷光祿寺署正

王焯通志字仲嶽三原人康熙庚戌進士令直隸阜城地

西安府志卷三十三

詩

雜旂屯民多影射首行均稅法俾豪無匿田田無匿稅更立徵輸十限民無通賦境內帖然摧刑垣旋掌吏垣論事多達大體晉通政轉僉都陟太常卿皆著清聲尋乞歸癸未秋

鑾輅西巡

欽賜御書唐律

黃建中王鳴盛海州牧黃公墓志君字懋德號容齋咸寧人雍正乙卯選拔乾隆元年發江蘇以知縣用歷震澤嘉定無錫吳縣元和長洲陽湖七邑所至有惠政擢州牧未之任卒方其在嘉定也懲豪強以戢良善儲倉粟以備凶荒濬城內清鏡塘野奴涇呂墅溝諸水以濟行旅資蓄洩

人稱其治可繼陸清獻公既調任長洲吳元和皆首郡公赴事勤敏殫心籌畫利弊城內三橫四直河歲久淤積公設法開浚太湖濱有灘漲田田去糧存久爲民累公陳請蠲免又以社倉爲積貯要務推誠勸諭積至萬餘石吳之光福鎮鳳鳴岡福慶寺旁有陸墳陸姓欲攘其地數十年結訟不休公親往勘斷歸寺塵案頓結江陰惡少某誣常熟民陳姓以姦事獄已成公廉得實釋之其聽斷明決多類此已而以公事望吏議旋得

旨仍

以知縣用時海州水災被檄往賑見民采食栢實榆皮取以告監司復蒙加賑一月賑務竣補陽湖令相繼丁父母憂扶輿歸囊橐蕭然喪葬畢因事至江蘇適淮安被水中

西安府志卷三十五

詩

丞陳文肅奏畱公賑清河桃源安東三縣嚴冬風雪賑所在黃河坼側僅設一蓆篷公黎明輒步至以待饑民全活甚衆丁卯秋崇明海溢漂沒田廬公復往賑方病星夜馳抵劉河口風浪洶涌土人勸止公曰數十萬生靈待命方殷遑惜此身哉毅然航海至崇力疾視事不遑寢食再補陽湖邑向有役田起明萬歷開巡撫胡公因民運爲累每圖置田若干收其租爲運費名曰役租後糧入官運役田變爲民田租額仍在乃均攤入民田公亟請於上官後奉恩旨蠲免於時公在江蘇先後十四年矣陞知海州舊疾增劇卒於陽湖年四十八身後家無儋石儲重以核減公用遺累數千金弟文中號呼求助蘇常二郡民踴躍代輸洵乎

公道在人廉吏不可為而卒可為也娶張氏合葬長安後坡岩之原

賈慎行戴祖啟撰墓表字羅山家世蔚州人祖懋實字名符康熙辛酉科舉人為咸寧令十二年多善政遂家焉先生雍正乙卯舉於鄉幼以孝聞家貧力學教授里中性耿介不受友人千金之餽一袍之贈事皆有狀其居於鄉者如此及其令襄垣也其地瘠民貧俗多爭訟先生開誠勸諭又按古方書修良藥以救民之鬪而傷者曰一命全則兩命活矣復念非富而教之末由得無訟之原也襄邑俗不知桑先生乃購桑高平黎城諸邑相隙地躬自教民種植為盤條壓根諸法時單騎循行村落教婦女養蠶或賞

西安府志卷三十五

美

以錢布行之五年得桑二十餘萬株杵軸之聲軋軋徹四境太守下其法他邑閩郡獲其利而襄邑為樂土焉官九年爭訟益簡園囿空虛乃引疾歸襄民泣送有至平陽曲亭鎮者蓋去襄三百餘里也性儉素退食未嘗衣帛一日家人以帛衣進揮之對曰此所市襄垣絹也乃笑而服之歸逾年卒子策安策治乾隆壬午同榜舉人壬辰同榜進士

時所居堡垣傾圮曰銳獨捐已貲五百金修築守望有資晨夜無警又延塾師設義學督課里中子弟雍正十一年巡撫疏聞奉

旨給正六品職銜以示獎勵

傅信莊大中傅君傳字正伯興平人考選州同知入成均時以父年邁兩弟弱力治生計庭閣之內和聲愉色喪葬竭情盡慎靡有遺悔居鄉遇歉歲叠勸捐存活無算邑有興作傾橐應之今學宮翼翼縣志重修皆君之力也易簣之日舉數十年親故稱貸文券檢出給還未至者舉而焚之卒葬城南

田佳運通志長安人貢生居堡中以耕讀自適順治二年

西安府志卷三十五

三

賀逆犯省城破其堡獲之罵賊死仲子陌亦投井死

許國楠通志成陽人順治三年隨征入閩漳泉既下奉檄攝漳浦令時戎馬在郊徵輸百出國楠處之裕如未幾楊學舉變起率眾襲城城陷國楠赴井死

孫一鵬通志字圖南富平人起家諸生中武科累功至叅將順治初遷廣東水師副總兵十年冬進水師總兵官十一年李定國寇廣東之新會一鵬以舟師守江門值陳奇策從海上突至一鵬率兵大戰眾寡不敵遂歿於陣贈太子太保

賜祭葬仍月給俸米以恤其家

劉本善通志字太素高陵人順治辛卯武舉任湖廣守備

康熙元年冬山寇竊發制府徵兵會勦本善帥兵三百以
往屢捷明年秋本善渡河迎寇戰歿七年錄前功加

恩賜祭

邵廷儀通志咸寧人順治甲午舉於鄉授清澗教諭尋陞
靖遠衛教授值王輔臣兵叛偽檄促各官盡改舊印廷儀
獨懷印不予以死自誓事平聞於

朝擢香山令有善政

常日暄通志三原人康熙十四年滇逆方熾慶陽土寇作
亂犯涇原攻馮家堡三晝夜將陷日暄同魏良佐蔣四等
率鄉兵一十八人往援殺賊數十賊撤圍并全營衝殺日
暄力戰鞭死渠魁并賊黨數人衆寡不敵十八人俱戰死

馮堡獲全

王伏金通志咸寧人任涼州鎮屬西把截堡守備雍正元
年十月隨征西寧陣亡

張先志通志長安人康熙戊子武解元授七里關守備雍
正二年勦卓子等山土番先志獨當加爾多寺一面因道
險不得入率兵十五人進覘賊壘適林中番衆突出先志
奮勇衝擊矢盡力竭遇害屍無完膚雍正三年奉

旨賜祭葬廕一子以衛千總用

侯于唐通志字廣明三原人父達先有隱德嘗歲荒代鄉
人輸賦千金請於官取逋賦冊悉焚之曰吾安敢重煩大
令爲吾追逋乎于唐登順治壬辰進士由庶常擢御史終

養歸再起巡鹽巡漕奉

詔以敬慎剛方褒之居鄉葺學宮築白渠堤民賴其利祀鄉賢

張大齡通志長安人幼失怙母黃氏守節大齡性純孝少
好學家貧改業岐黃母病篤百方療之復精誠籲天果獲
愈子永福孫爾琬俱登賢書康熙四十一年

旌表

孟學通志長安人幼有至性母病危日夜泣禱願減己算
以增母年母愈時年甫十餘歲又馮選亦長安人母邁疾
選不食累日潛割股和藥以進疾愈俱蒙

旌表

李文秀通志長安人家貧以市楮爲業性至孝罄日中所
得子錢悉以充養妻子衣食財足雖纖毫不私也人稱楮
孝子

西安府志卷三十五

五

栢覆皇通志長安人事祖母楊繼母高俱盡孝居喪有禮
篤友愛撫猶子如己子康熙辛未壬申閒大荒散粟八千
餘石長鄠兩邑全活甚夥族黨貧乏者畀以田種除國賦
外不責其償童僕給產婚娶歲稔悉遣歸一門長幼七十
餘人數世同居焉

張我訓通志長安人事母先意承志年五十孺慕不衰性
喜周恤閭里婚葬極力資給無德色嘗建豐小橋行者稱
便子勇亦好施慕義有父風歲荒散賑鄉人德之
鄭仁通志咸寧人十齡喪父哀痛如成人母朱氏安貧守

節仁色養備至雍正三年仁年踰五旬母歿廬墓三載枕塊茹蔬未嘗一歸里舍雍正八年

旌表

孫符通志咸寧貢生歸善令能寬長子喪母韓氏悲思不已每至墓哀號竟日父病癰吮之獲愈攻苦勤學資志早亡士林惜之雍正八年

旌表

先是吳逆變起符曾祖世選挈鄰里二十餘家同避白鹿原破產周濟皆無恙祖盛事繼母李能孝李病籲天請代復割股和藥以進里人以爲世德

呂大猷通志咸寧人順治丁亥進士歷官兵部郎以母老乞終養朝夕承歡務以悅親爲事母疾視寢視藥心力交

西府志卷三十一

三

瘁母歿終身不起居鄉清介不履城市子梓生歲貢父歿時年甫十二事嫡母許生母李俱盡孝先是梓生未育大猷撫從子某爲嗣梓生體父志終身兄事之無閒言舅氏任楚藩梓生將母命往謁楚民有爭財致訟者以千金求關說梓生力御之生平好讀書尤精醫術郡邑檄赴賓筵皆不就

楊宗明通志咸寧人賦性醇謹事父母尤盡孝母歿父年邁獨居宗明朝夕侍側寢食不離父再娶宗明事後母如其母父卒哀毀骨立不茹葷御內者三年廉使翟鳳翥以孝行旌其門

劉祐通志字篤生咸寧人康熙閒歲貢生平留心經世大

務嘗立仁義社倉以賑貧民全活甚衆

蕭光蘭通志咸陽人事親克孝盜劫父室光蘭持梃奔鬪被數創賊遁歲饑光蘭承父志散金出粟存活千人父歿廬墓二年餘得痺濕強昇歸涕泣不已愈後日至墓拜奠巡撫黃爾性爲請

旌表

吳珍通志咸陽人幼有至性弱冠隨父渡渭父墮水時秋漲方盈珍衝波救出見者異之有賊入室將加刃珍母珍冒死直前奪母走得免於難值歲荒輸粟以賑里黨侯治經通志咸陽監生早失母事父及繼母陳俱盡孝從母無子治經迎事之如所生遇鄰里婚喪必悉力資助奴

西府志卷三十五

三

婢臧獲有父母筑獨者卽焚券令歸養屢值歲歉散金粟以賑貧乏全活甚衆雍正十一年巡撫疏請議叙奉

旨以應得之缺卽用

王曠通志鄠縣生員家貧事孀母至孝遭寇變被擄及脫歸知母死賊手一慟而絕鄰人救之經夕乃甦泣血三年聞者無不慘切

王忻通志鄠縣人順治初邑遭寇變賊繫忻母拷索銀幣忻挺身護母賊揮刃中其肩幾隕賊平家業蕩盡忻力田服買奉母承歡伯兄諸生憊苦貧忻分已產贍之仲兄慙妻亡遺二子鞠之如己子

陳調陽通志鄠縣生員父樓居失火調陽方弱冠冒火登

樓負而下兩人俱無恙父歿兄子遺孤輔聖方八歲季弟甫四歲調陽知母意以幼子孤孫爲念分析家產悉推美者與之復延師課學弟姪俱賴成立輔聖太學生性行醇厚母疾藥必親嘗衣不解帶食息咸與母俱母亡以哀毀成疾卒

劉龍洲通志鄆縣人慈母張氏性嚴急龍洲日侍左右略無忤色父卒後事之二十餘年不少衰以明經授教職兩舉鄉飲賓

王永圖通志字伯固鄆縣生員爲文典瞻博雅性醇謹雖盛暑不去衣冠接人無少長咸以禮居家孝友年七旬每念及二親輒痛哭所著永思草鶴鳴杖杜編皆原本至

性不事雕飾

張炯通志鄆縣生員賀賊陷城父被執炯挺身衛父賊斫其腦而死

聶宏通志鄆縣人家貧以賣酒爲業有所得輒易甘脆養親母故宏常宿父榻旁臥起定省家有畜犬客以餅啖之犬卽啣飼老犬人皆以爲孝感所致

王賢通志鄆縣民家窘爲人傭得值養親日用無缺親舊有贈以果餅者必懷以奉親親未入口不敢遽嘗親亡棺衾無措至典身以葬

魏惟紫通志字青臣鄆縣孝子國成次子嗣嫡叔國垣後以文行選拔授河南偃師令招來開墾設學課士多惠政

時祖母年八十失明生父母繼父母具慶悉安車迎養後以墨誤去官例得復起念兩代高年絕意仕進奉養葬祭靡不中禮友愛昆季敦睦族黨始終不倦年七十哭兄過哀以疾卒

王先身通志鄆縣生員賀賊陷城奉母閻氏避賊俱斃賊手

張文運通志藍田人八歲失怙母王氏孀居家貧歲荒竭力孝養遭寇變負母逃匿金山日採果實奉母備歷險艱卒保無恙母壽及期頤而歿文運哀毀逾禮既殯負土封築猶宿墓不忍去嘗建一堂顏曰永思雍正六年

旌表

姜士珍通志涇陽人母孫氏早逝繼母楊性多恚且私其前子女百計苦之士珍怡然順受里人憐之欲訴其母於官士珍號泣挽留楊知而自悔愛如己出撫軍雷興題請

旌表

李天福通志涇陽人性孝友母病疴嘗糞知不起每夕跪誦孝經禱天願以身代母歿事父尤盡孝兄年邁苦貧仍迎養於家業師文某居三水歲祲嘗負米百里以贖之至於還遺金拒奔女焚宿券尤多隱德雍正八年

旌表

李長純通志字丹馥涇陽諸生母劉得痿痺疾長純侍藥餌十載每至徹旦家不甚豐而好施予念友乏嗣助資納

妾鄰人有通官錢者將鬻妻長繼代償之他如施藥捐棺賑粟焚券歲以為常

陳振烈通志涇陽諸生天懷孝友居母喪家貧未葬日寢處柩側盡哀服闋時年未三旬鬚髮盡白事父及後母曲盡孝養性嗜學博覽羣書子焯以進士令漳平

熊鈞通志涇陽歲貢生性孝友母劉常負病藥餌鮮效遂究心盧扁母症獲痊後母喪泣血而歿同時三原王維圻事母有至性親喪哀毀成疾卒

焦之雅通志字大雅三原人中丞源溥長子為人方正矧於禮儀逆闖破關父被執罵賊死之雅與弟之夏尋父屍衣衰經手持利刃誓不得遺骸必死果得屍負歸葬畢棄

西原府志卷三十五

詩

家隱華山憤鬱而死之夏亦終身隱處或勸之出輒不應

房廷祥通志字發公三原人年十三補博士弟子父建極

崇禎辛未進士官於晉遷兵部主事歸里會李自成盜關

中建極知國事孔棘星馳入都時廷祥年十五請從母不

許廷祥泣告曰父死國兒不當死父乎遂裹糧易服為黃

冠以從至河阻賊不得渡乃涉洛躡王屋太行諸山匍伏

行數千里甲申四月抵近畿聞京師陷建極將絕粒死廷

祥泣請曰吾父今道死窮山中誰知者且死亦何益因強

輿歸未幾卒廷祥慟不欲生既葬廬墓側不去旋卒

來淑泗通志字聖濤三原人年十歲值流寇變扶繼母左

氏避難訛傳寇至母投身井中淑泗號泣井上跪求途人

覓繩縋救乞人負歸閭里稱為孝童

李時盛通志字文吾三原人性至孝懋遷於外因母寡居棄歸養母澣衣滌器皆躬親焉明季有舊交高姓者以黃金五十兩寄其家商於外值闖亂焚掠時盛家室不保閱七年而高至悉以原封還之人頌其義

申培城通志字林蒼三原歲貢任兩當訓導性孝友父歿維揚徒跣扶柩營葬盡哀事後母委曲承順所生弟妹撫誨婚嫁悉殫心力嘗捐金代宗族輸稅至於周貧濟困掩骼埋胔歲以為常

西原府志卷三十五

詩

劉容通志三原人農家子居嵯峨之麓與弟俱入山虎至攫弟去容追及左手挽其尾據其背右手執屨撻之虎益

猛容益力虎乃置其弟去容負歸得蘇

梁啟之通志字靜海三原人倉場侍郎鉉庶子幼時常從

宦四方父以果餌賜之輒念曰吾嫡母在家未食也因泣

下閒得紈綺輒以請於父曰吾將為嫡母衣也後歸省嫡

母適患痢粒食不進啟之減餐泣禱曰吾母食始食越翌

日果瘳性好施解衣推食無德色後嫡母卒以過哀致殞

劉守法守富守奇通志俱三原人兄弟友愛無間同爨五

世又鄆縣樊邦彥四世同居高陵裴汝清三世同居

張厥通志蓋屋人順治四年山寇金龍破其堡兄厥被殺

并掠厥子靈哇以去厥念兄止此子今被掠是無後也即負已子補哇入山易靈哇以歸冀圖往贖乏資未果值寇

移管以補哇幼不能從行殺之後厥亦復得子云

郝振綱通志富平人太學生少失怙日侍寡母側含泣讀書值歲荒日鬻線易米為食既長優於幕學所至必奉母以遊族孫信七歲家貧度為僧振綱養之得成立又族孫仕有忤行振綱令從已日夕觀事母狀閱三載仕感悟請歸事母族人有夫婦同逝者葬之而育其嗣母疾篤焚祝求代及卒哀毀廬墓者三年雍正五年

旌表

孫文達通志富平人產於滇年十歲父歿盡哀遵所生母訓讀書入泮不知原籍有嫡母在也雍正二年富平令移文到滇乃大慟遂扶父柩奉母携妻妹萬里歸秦備極艱苦以久缺嫡母養負罪自責晨夕竭力以事二母雍正四年

旌表

唐文昭通志字含章富平諸生父歿齋居三載繼母偏愛己子逐之因肆力稽古益明理數之學順治十年御史何承都造其廬贈以金却之贈以布辭不得因為母壽母卒悔悟呼歸居常困於貧每竟日不舉火歲稔邑人重其學行斂粟贍之知縣郭傳芳創祠祀孝義三人文昭特與焉党國虎歸求草堂集國虎富平人六歲母亡寄撫舅氏父普寬兄廉生為族子國孝歐死以事未露國孝倖免國虎恚甚揣力弱未能報順治九年國虎年二十一乃誘國孝

於野並其子尋兒拋殺之詣縣自首赴獄縣令欲加矜恤

國虎念父仇已雪遂於獄自經死與唐梁悅事正同知縣郭傳芳創孝義祠首肖像祀悅而以國虎配之
孟孔脉通志字祖尼富平人順治乙酉舉人授稷山令聽斷明允嘗割俸贖民鬻子百餘人富邑陰家河病涉捐貲築石橋以濟行旅又築堡寨聯守望里黨賴之
趙一韓通志富平諸生性醇謹親老多病藥必先嘗及歿哀毀骨立鄉人稱之兩事繼母無異所生待諸弟友愛無間言子兆麟巡撫耶陽贈副都御史

王發祥通志耀州學生孝友性成以父淑璟兄肇祥並死闖禍終身不飲酒茹葷不御內哀思痛悼無閒歲時及死猶泣然曰吾今而始得見吾父兄也聞者為淚下

劉名翰通志長安人幼育於伯父母伯母病思食肉名翰向天默禱封股為羹以進病立愈
王計資政錄長安人有孝行於乾隆三年奉

旌表

旨旌表又同邑武舉人查繼儒馬伯知又咸寧何宏圖傅彤又咸陽王珂魏成佩又高陵党思睿又鄠縣屈乃紳閆泰臨又涇陽劉繼業門丕吉又渭南宋世亮又醴泉生員張茂德並以孝行於乾隆年間先後

旌表

張璘資政錄涇陽貢生一門孝友七世同居乾隆三十一年具題奉

此為試讀，需要完整PDF請訪問：www.ertongbook.com

旨旌表並

賜御製詩一章用示優異御製詩 卷首

韓文星資政錄富平人同居十二世共爨八十八人乾隆十六年具題奉

旨旌表又宋進唐醴泉人有義聞於乾隆二年

旌表

路振揚資政錄長安人任提督孫珣子廕又同邑周起鳳任總兵子廷儒子廕

王龍資政錄任副將又張守鳳任遊擊又温天鑑任千總俱長安人於雍正十三年進勦黔省逆苗有功王弟詔張子九錫温子育清並予廕襲

西府志卷三十五

美

扈璉資政錄長安人任雲南督標遊擊乾隆三十一年從征緬甸陣亡弟琚子廕又同邑陶濱任永昌營千總乾隆二十一年從軍伊犁陣亡子元龍子廕又張繼祖王大勳楊鵬王權潘應龍王功薩繼勳呂選王彥皆乾隆十二年從征金川陣亡將弁子廕之嗣

馬定坤資政錄咸寧人任四川永寧協都司乾隆三十二年從征緬甸陣亡子大剛子廕

左文龍陝甘資政錄長安人甘肅鎮番營守備又張我德甘肅永固營千總又王臣陝西提標左營把總又來思起商州營把總又鄭仁表甘肅金塔協把總又楊世傑陝西提標右營外委又馬守良甘肅洮岷協外委又惠太甘肅

西寧鎮標前營外委並從征金川於乾隆三十八年六月

在木果木陣亡又趙朗陝西提標右營把總三十七年五月在金川陣亡又年大銀陝西提標前營千總三十八年六月在大堤溝陣亡又金川陣亡馬兵王賢李建才李大功劉忠李光現史自魁劉嘉賓張勳蔣大功吳英雷斌党世林李世淳雷天相朱文升趙自建張得功郭成郭印劉天培余朝龍劉成宋喜許伏夏耐劉振王世貴孫成功郭永伏亢文茂盧文元朱天麒劉攀龍李鼎石英楊奇趙鵬舉王勇侯科郭宣楊宗智張秦元張林福張升李茂張豹張世友劉文華維貴陣亡步兵賈天受李萬清屈進朝馬得功王仲元王奉得張伏得張義董得王得喜張中和武

西府志卷三十五

美

振興王須剛劉林董保雷文升朱振奪孫順顧永傑張士魁袁亨方定邊孫暉楊明張世瑞朱元功吳千戶史孝林升楊宏得韓其龍侯彥支應魁吳可玉李自花牛榮劉功劉永治寇世德黃登科馬成功郭彪方爵羅文煥牛元正楊天壽何金張必輝劉明楊智張起周宗喜王文彩武成林李榮周奇祥陳端高文奇烏希才鄭發惠劉世忠郭良寅何乃敬王朝宣肖文魁張永貴郭傑屈斗劉豐年王尚斌余豹李重陽胡昇遠郭得勝甲英周鎮楊興李自文王萬清盧應元張行琮王仁李文忠何起卜景文童得福田應選樊俊

按會典陣亡守備

恩例卹賞銀三百兩千總一百五十兩把總外委並一百兩馬

兵七十兩步兵五十兩餘州縣並視此

党國棟資政錄咸寧人陝西提標中營把總乾隆三十七年五月在日旁傷亡又梁廷雲陝西提標後營千總三十八年六月在空喀陣亡又五營陣亡兵丁趙文魁張義朱嗣連蕭得楊金良袁喜趙自建馬榮羅進信王珍王須剛張成貴馬云張登科梅玉崔振邦薛成侯自良王伯漢林升又五營病故兵丁蓋云高永太汪景升胡廣祿王智張有忠張太臧建張傑劉世傑杜文昭楊宗張學得白忠郭起祿來思宗韓文張建妙進道朱得

西安府志卷三十五

四

兵又古珍醴泉汛守兵又王克性金鎖關守兵並從征金

川陣亡

高彩資政錄興平守兵乾隆三十九年八月在金川達爾

圖陣亡

樊克銘資政錄高陵人督標右營馬兵乾隆十二年從征

金川陣亡又舊縣關營守兵永瑞彪三十七年從征金川

陣亡

姬大謀魯復德邵廷信資政錄並鄆縣人以守兵從征金

川陣亡

李花朱寅朱大倫朱大成資政錄並藍田人以守兵從征

金川陣亡

賀英資政錄涇陽人從征金川乾隆三十八年六月在當

噶拉陣亡又蘇毓秀四十年正月攻促侵河岸寨陣亡又

劉孟四十年六月在黑山梁陣亡三人俱涇陽汛兵又張

增福富平營兵三十八年五月在宜喜陣亡

潘世濟資政錄三原人雲貴督標中營把總乾隆四十年

四月在金川克甲索陣亡又李天必提標前營步兵四十

一年二月在金川陣亡

張孝模資政錄蓋屋人乾隆庚辰舉人西寧鎮標前營千

總三十八年六月在木果木陣亡又蓋屋營馬兵王正剛

守兵雷弼朝郭進才魯信安文正孫士才侯儉張昇劉忠

義並於金川陣亡又守兵蕭生雲趙玉胡守信並於金川

西安府志卷三十五

四

傷亡又趙紹隆醴泉汛守兵從征金川未出

張世永資政錄渭南人乾隆丁卯舉人河南濟源縣知縣

丁憂服闋赴補三十八年二月奉

旨發往四川軍營六月在木果木陣亡

恩加道銜並給祭葬銀兩予子德標廕襲又李玉敬西寧鎮標

前營步兵三十七年在木了山石卡陣亡又劉長榮漢中

城守營守兵三十八年二月在昔嶺陣亡又李廣升固原

鎮標右營馬兵三十八年六月在木果木軍營未出

程麟資政錄富平人高陵汛守兵乾隆三十八年三月在

日旁陣亡又毛諱秀永豐汛守兵三十八年閏三月在空

喀傷亡

薛育忠資政錄醴泉汛守兵於金川陣亡又王卽鵬張居仁並於金川病故

王吉安資政錄同官守兵在日旁陣亡又劉孝在金川傷亡

按已上並從征金川者西安屬內惟臨潼並無傷亡員弁

張力田資政錄耀州人金鎖關守兵乾隆二十五年從征西路防守阿斯圖阿爾什等處卡倫傷亡又雷興太任得治劉文魁張明德並金鎖關守兵於金川陣亡又傷亡兵丁鄭世隆未出兵丁胡現

西安府志卷第三十六

人物志 儒林 文苑

儒林

漢

田何高士傳字子莊齊人孔子授易五傳至何漢興何以齊諸田徙杜陵號曰杜田生以易受弟子東武王同子仲洛陽周王孫丁寬齊服生等皆顯當世惠帝時何年老家貧守道不仕帝親幸其廬以受業終爲易者宗

施讐漢書字長卿沛人從田王孫受易後徙長陵田王孫爲博士復從卒業與孟喜梁邱賀並爲門人及梁邱賀爲少府事多廼遣子臨分將門人張禹等從讐問於是賀薦

讐結髮事師數十年賀不能及詔拜爲博士甘露中與五經諸儒雜論同異於石渠閣

惠莊西京雜記長安儒生聞朱雲折五鹿充宗之角乃歎息曰粟犢反能爾耶吾終恥溺死溝中裹糧從雲雲與言莊不能對遂巡而去謂人曰吾口不能劇談而此中多有韋賢漢書字長孺鄒人質朴篤志於學兼通禮尚書以詩教授徵爲博士給事中進授昭帝詩遷光祿大夫詹事至大鴻臚宣帝卽位以先帝師甚見尊重本始三年代蔡義爲丞相封扶陽侯爲相五歲以老病乞骸骨賜第一區丞相致仕曰賢始薨諡節侯少子元成字少翁以明經擢諫大夫遷大河都尉初元成兄宏爲太常丞職奉宗廟典諸

陵邑煩劇多罪過及賢病篤宏竟坐宗廟事繫獄室家問賢當爲後者賢恚恨不言門下生與宗家矯賢令以元成爲後元成知非賢雅意卽陽病狂徵至長安不得已受爵宣帝以爲河南太守初帝寵淮陽憲王欲以爲嗣久之欲感風憲王輔以禮讓之臣召拜元成爲淮陽中尉詔與蕭望之及五經諸儒雜論同異於石渠閣條奏其對永光中代于定國爲丞相七年守正持重不及父賢而文采過之建昭三年薨諡共侯初賢以昭帝時徙平陵元成別徙杜陵死歸葬父墓儒林傳韋賢治詩事博士大江公及許生又治禮傳子元成元成及兄子賞以詩授哀帝至大司馬車騎將軍由是魯詩有韋氏學

西京雜記卷三十六

二

張山拊漢書字長賓平陵人事小夏侯建爲博士論石渠至少府授同縣李尋鄭寬中少君山陽張無故子儒信都秦恭延君陳畱假倉子驕由是小夏侯有鄭張秦假李氏之學

鄭寬中漢書平陵人以博士授太子成帝卽位賜爵關內侯食邑八百戶遷光祿大夫領尚書事會疾卒谷永上疏曰鄭寬中有顏子之美質包商偃之文學總五經之妙論直師傅之顯位卒然早終宜加葬禮賜之令諡

士孫張冊府元龜字仲方平陵人受易於五鹿充宗爲博士官至給事中家世傳業

郭威西京雜記字文偉茂陵人謂爾雅周公所制而爾雅

有張仲孝友張仲宣王時人非周公之制明矣嘗以問揚子雲子雲曰孔子門徒游夏之儔所記以解釋六藝者也家君以外戚傳稱史佚教其子以爾雅爾雅小學也又記言孔子教魯哀公學爾雅舊云周公所記張仲孝友之類後人所足耳

蘇竟後漢書字伯况平陵人平帝時以明易爲博士講書祭酒善圖緯能通百家之言王莽時拜代郡中尉時匈奴擾亂北邊竟終完輯一郡光武卽位就拜代郡太守建武五年詣京師拜侍中以病免初延岑護軍鄧仲况擁兵據南陽陰縣爲寇劉歆兄子龔爲其謀主竟時在南陽與龔書曉之仲况與龔遂降龔字孟公長安人善議論扶風馬援班彪並器重之竟終不伐其功潛樂道術作記誨篇及文章傳於世年七十卒

西京雜記卷三十六

三

許商漢書長安人善爲算著五行論歷四至九卿號其門人沛唐林子高爲德行平陵吳章偉君爲言語重泉王吉少音爲政事齊煥欽幼卿爲文學王莽時林吉爲九卿自表上師家大夫博士郎吏爲許氏學者各從門人會車數百兩儒者榮之欽章皆爲博士徒衆尤盛

杜林後漢書字伯山茂陵人博洽多聞初爲吏王莽敗盜起林與弟成俱客河西隗囂以爲侍書林雖拘於囂而終不屈節弟成物故林持喪東歸旣遣而悔追令刺客楊賢於隴坻遮殺之賢見林身推鹿車載致弟喪乃歎曰我雖

小人何忍殺義士因亡去光武徵拜侍御史引見問以經書故舊及西州事甚悅之為光祿勳內奉宿衛外總三署周密敬慎選舉稱平羣臣上言宜增科禁林奏曰人情挫辱則義節之風損法防煩多則苟免之行興臣愚以為宜如舊制帝從之頃之代朱浮為大司空明年薨帝親自送葬除子喬為郎東觀記林從張竦受學於西州得漆書古文尚書衛宏徐巡皆受林學出示宏曰林流離兵亂常恐此經將絕何意衛子徐生復能傳之古文雖不合時務然禮失求之野古文不猶愈於野乎願諸生無悔所學古文遂傳於世

賈逵後漢書字景伯平陵人父微從劉歆受左氏春秋兼習國語周官又受古文尚書於塗煇學毛詩於謝曼卿作左氏條例逵傳父業弱冠能誦左氏傳兼通五家穀梁之說自為兒童常在太學不通人閒事身長八尺二寸諸儒為之語曰問事不休賈長頭性愷悌多智思儻有大節尤明左氏傳國語為之解詁上疏獻之顯宗重其書寫藏秘館時有神雀集宮殿官府帝召逵問之對曰昔武王終父之業鸞鷲在岐宣帝威懷戎狄神雀仍集此胡降之徵也帝勅蘭臺給筆札使作神雀頌拜為郎肅宗立降意儒術好古文尚書左氏傳名逵入講善其說使發出左氏傳大義長於二傳者逵條奏曰左氏義深於君父公羊多任於權變帝嘉之令逵自選公羊嚴顏諸生高才者教以左

氏和帝即位以逵為侍中領騎都尉內備幃幄兼領秘書近署甚見信用逵所著經傳義詁及論難百餘萬言學者宗之

趙岐後漢書字邠卿長陵人少明經有才藝仕州郡以廉直疾惡見憚永興二年辟司空掾議二千石得去官為親行服後為大將軍梁冀所辟為陳損益求賢之策冀不納舉理劇為皮氏長會河東太守劉祐去郡而中常侍左悺兄勝代之岐恥疾宦官即日西歸中常侍唐衡兄玆為京兆尹岐懼禍及逃難四方自匿姓名賣餅北海市中後諸唐滅乃出擢拜并州刺史岐欲奏守邊之策未及上會坐黨事免因換次為禦寇論中平元年徵拜議郎遷太僕卿李傕專政使太傅馬日磾撫慰天下以岐為副行至洛陽日磾表別遣岐宣揚國命時袁紹曹操與公孫瓚爭冀州紹及探聞岐至皆自將兵數百里奉迎岐深陳天子恩德又移書瓚為言利害各引兵去興平元年詔書徵岐會帝當還洛陽先遣衛將軍董承修理宮室承表遣岐使荊州岐至劉表即遣兵助修宮室軍資委輸前後不絕於是拜岐為太常建安六年卒著孟子章句三輔決錄傳於時續文獻通考孟子得立為博士實自岐始魏志荀彧傳注嚴象字文則京兆人少聰博有膽智為揚州刺史同郡趙岐作三輔決錄恐時人不盡其意故隱其書唯以示象

楊政後漢書字子行京兆人少從范升受梁邱易京師語曰說經鏗鏗楊子行教授數百人范升嘗爲出婦所告繫獄政乃肉袒以箭貫耳抱升子伏道旁候車駕持章叩頭曰范升一子今適三歲孤子可哀武騎虎賁舉弓射之不肯去旄頭又以戟義政傷胸猶不退泣請感帝詔出升政由是顯名爲人不拘小節果敢自矜時帝婿梁松皇后弟陰就皆請與交友政每言論切磋懇至不爲屈撓建初中官至左中郎將

魯丕後漢書字叔陵恭弟平陵人兼通五經以魯詩尚書教授建初元年舉賢良方正除議郎遷新野令期年州課第一擢拜青州刺史元和元年拜趙相就學者常百餘人

西漢府志卷三十六

六

關東號曰五經復興魯叔陵永元二年遷東郡太守不在二郡爲人修通灌溉百姓殷富數薦達幽隱名士明年拜陳留太守十三年遷侍中免永初二年詔公卿舉儒術篤學者大將軍鄧騭舉丕復爲侍中左中郎將再爲三老七十五卒於官

摯恂高士傳字季口伯陵十二世孫明禮易遂治五經博通百家又善屬文詞論清美扶風馬融沛國桓麟等自遠方至者十餘人既通古今而性復溫敏不恥下問學者宗之隱於南山之陰永和中博求名儒公卿薦恂行侔顏閔學擬仲舒文參長卿才同賈誼由是公車徵之不詣大將軍竇武舉賢良不就以壽終

宋登後漢書字叔陽長安人父由爲太尉登少傳歐陽尚書教授數千人爲汝陰令政爲明能號稱神父遷趙相入爲尚書僕射順帝以登明識禮樂使持節臨太學奏定典律轉拜侍中數上封事抑退權臣由是出爲潁川太守市無二價道不拾遺病免卒於家汝陰人配社祠之

三國

吉茂三國志常陵傳注字叔暢池陽人好書不恥惡衣食而恥一物不知建安初關中始平茂與扶風蘇則共入武功南山隱處精思數歲州舉茂才除臨汾令居官清靜轉爲武德侯庶子後又爲武陵太守不之官轉鄧相以國省拜議郎黃初中病亡茂修行冬則被裘夏則短褐行則步

西漢府志卷三十六

七

涉食則茨藿臣役妻子室如懸磬雖不以此高人亦心疾不義而富且貴者

董遇魏略字季直性質訥而好學與平中關中擾亂與兄季中依將軍段熲采梠負販而常挾持經書投閒習讀其兄笑之而遇不改建安初王綱小設郡舉孝廉稍遷黃門侍郎旦夕侍講爲天子所愛信轉爲冗散常侍黃初中出爲郡守明帝時入爲侍中大司農病亡初遇善治老子左氏傳更爲作朱墨別異人有從學者遇不肯教而云讀書百遍而義自見又言爲學當以三餘謂冬者歲之餘夜者日之餘陰雨者時之餘也世說遇子綏位至秘書監亦有才學

隗禧三國志王肅傳注字子牙京兆人世單家少好學初平中客荊州擔負經書深枵腹則誦習之太祖定荊州詔署軍謀掾黃初中為譙王郎中病還拜為郎中年八十餘以老處家就學者甚多禧既明經又善星官常仰觀天文歎息謂魚豢曰天下兵戈尚有未息如之何豢嘗問左氏傳禧答曰欲知幽微莫若易人倫之紀莫若禮多識山川草木之名莫若詩左氏直相斫書耳不足精意也豢因從問詩禧說齊韓魯毛四家義又撰作諸經解數十萬言未及繕寫而豢後病亡

北魏

梁祚魏書泥陽人父邵為濟陽太守祚篤志好學歷治諸

西梁府志卷三十六

八

經尤善公羊春秋鄭氏易常以教授有儒者風與幽州別駕平恒有舊倚居於薊積十餘年雖羈旅窮窘而著述不倦辟秘書中散稍遷秘書令後出為統萬司馬徵為散令撰並陳壽三國志名曰國統又作代都賦頗行於世清貧守素不交勢貴年八十七卒子元有父風少子重相州鎮北府參軍事

唐

顏師古唐書字籀其先臨沂人祖之推自高齊入周終隋黃門郎遂居關中為萬年人父思魯以儒學顯武德初為秦王府記室參軍師古少博覽精故訓學仁壽中李綱薦之授安養尉高祖入關授朝散大夫累遷中書舍人尚典

機密詔令一出其手太宗即位拜中書侍郎封瑯琊縣男帝嘗歎五經傳習寢說詔師古於秘書省考定多所釐正俄拜秘書少監專刊正事古篇奇字世所惑者討析申熟必暢本原與誤五禮成進爵為子又為太子承乾注漢書遷秘書監宏文館學士從征遼道病卒諡曰戴弟相時字睿亦以學聞貞觀中累遷諫議大夫有爭臣風轉禮部侍郎師古死不勝哀而卒師古叔游秦武德初累遷廉州刺史時劉黑闥初平人多強暴游秦至禮讓大行終鄆州刺史誤漢書決疑

蕭德言唐書字文行系出蘭陵陳亡徙關中貞觀時歷著作郎宏文館學士太宗欲知前世得失詔魏徵虞世南褚

西梁府志卷三十六

九

亮及德言哀次經史百氏帝王所以興衰者上之帝曰使我稽古臨事而不惑者公等力也德言晚節學愈苦開經輒被濯束帶危坐詔以經授晉王王為太子又兼侍讀請致仕不許進秘書少監久乃得謝高宗立遣通事舍人即家致問乘輿至肅章門引見禮遇隆重卒諡曰博

韋叔夏唐書安石兄通禮家學叔父太子詹事現嘗曰爾

能繼漢丞相業矣擢明經第歷太常博士高宗崩卹禮亡缺叔夏與中書舍人賈大隱博士裴守真撰定其制擢春官員外郎武后拜洛享明堂凡所沿改皆叔夏等裁討累遷成均司業后又詔五禮儀物司禮博士有所修革須叔夏等評處然後以聞進位春官侍郎中宗復位轉太常少

卿爲建立廟社使進銀青光祿大夫累封沛郡公卒諡又子緡開元時歷集賢修撰遷太常初帝詔歲率公卿迎氣東郊至三時常以孟月讀時令於正寢二十六年詔緡奏月令一篇朔日於宣政側設榻東向置案緡坐讀之諸司官長悉升殿坐聽高宗上元三年將祫享議者以禮緯三年祫五年禘公羊家五年再殷祭二家舛互諸儒莫決太學博士史元議禘後三年而祫又二年而禘議遂定後至開元二十七年禘祭五祫祭七緡奏四月己禘孟冬又祫祀禮叢數請以夏禘爲大祭之源自是相循五年再祭後終太子少師

啖助唐書字叔佐趙州人後徙關中淹該經術天寶末調

西安府志卷三十六

十一

臨海尉丹陽主簿善爲春秋考三家短長縫綻漏闕號集傳復攝其綱條爲例統門人趙匡陸質其高弟也助卒質與其子異錄助所爲春秋集註總例請匡損益質纂會之號纂例

韋彤唐書京兆人名治禮德宗時爲太常博士先是天寶中詔尚食朔望進食太廟天子使中人侍祠有司不與也貞元十二年帝詔朔望食昇宗正太常合供彤與裴堪議曰禮宗廟朔望不祭寢園則有之王者弗敢以孝思之極而溢禮弗敢以肴品之多而賸味願罷天寶所增奉寢園以珍奉宗廟以禮後帝以是禮先帝所定卒不廢韋公肅唐書隋觀城公約七世孫萬年人元和初爲太常

博士兼修撰憲宗耕籍詔公肅草具儀典太子太傅判太常卿事鄭餘慶言廟有二祖妣疑於祔祭請諸有司公肅議古諸侯一娶九女故廟無二嫡自秦以來有再娶前娶後繼皆嫡也兩祔無嫌諸儒不能異初睿宗祥月太常奏朔望弛朝尚食進蔬具止樂後遂爲常公肅上言禮忌日不樂而無忌月王者不以私懷踰禮故禫禮從月樂漸去其情也不容追遠而立禮反重今太常雖郊廟樂且停習是謂反重以慢神也有司禁中外作樂是無故而徹也願依經誼裁正其違制可以壽卒

西安府志卷三十六

十一

所善者表微獨薦韋處厚人服其公進知制誥後與處厚議增選學士復薦路隋處厚以諸父事表微因曰隋位崇入且翁右奈何答曰選德進賢初不計私也文宗立進戶部侍郎開志沼叛詔李聽率師討之天子憂無成功表微曰以聽軍勢不十五日必破賊及捷書上止浹日以病瘳罷學士卒始被病醫藥不能具所居室寢隘既沒弔客咨嗟篤故舊雖庸下語笑無間尤好春秋病諸儒是非紛然著三傳總例又以學者薄師道不如聲樂賤工能尊其師著九經師授譜

柳璞唐書字韜玉華原人學不營仕著春秋三氏異同義又述天祚長歷斷自漢武帝紀元爲編年以大政大祥異

侵叛戰伐隨者之聞位者附見其左常謂杜征南春秋後序述紀里歷爲得實自餘史家皆差終著作郎

宋

張載宋史字子厚長安人少喜談兵欲結客取洮西之地年二十一以書謁范仲淹乃警之曰儒者自有名教可樂何事於兵因勸讀中庸載讀其書又訪諸釋老累年究極其說知無所得反而求之六經嘗坐虎皮講易京師一夕二程至與論易次日語人曰二程易道吾所弗及汝輩可師之撤坐輟講與二程語道學之要渙然自信曰吾道自足何事旁求於是盡棄異學淳如也舉進士爲祁州司法叅軍雲巖令政事以敦本善俗爲先每月吉具酒食名鄉

西安府志卷三十一

七

人高年會縣庭親爲勸酬使人知養老事長之義熙寧初御史中丞呂公著言其有古學神宗名見問治道對曰爲政不法三代終苟道也帝以爲崇文院校書他日見王安石問以新政載曰公與人爲善則人以善歸公如教玉人琢玉則宜有不受命者矣明州苗振獄起往治之還朝卽移疾屏居南山下終日危坐一室左右簡編俯而讀仰而思有得則識之敝衣蔬食與諸生講學每告以知禮成性變化氣質之道爲學知人而不知天求爲賢人而不求爲聖人此秦漢以來學者大蔽故其學尊禮貴德樂天安命以易爲宗以中庸爲體以孔孟爲法黜怪妄辨鬼神其家昏喪葬祭率用先王之意而傳以今禮又論定井田宅里

發斂學校之法皆欲舉而措諸事業會秦鳳帥呂大防薦

其學宜還其舊職以備諮訪乃詔同知太常禮院與有司議禮不合復以疾歸中道沐浴更衣而卒貧無以斂門人共買棺奉其喪還翰林學士許將等乞加贈卹詔賜館職半賻載學古力行爲關中士人宗師世稱爲橫渠先生淳祐元年封鄜伯崇祀孔子廟廷弟戩字天祺起進士知金堂縣養老卹窮召父老使督教子弟民有小善皆籍紀之月吉召老者飲勞使其子孫侍勸以孝弟民化其德所至訟獄日少熙寧初爲監察御史累章論王安石亂法乞罷條例司及追還常平使者劾曾公亮陳升之趙抃依違不能救正韓絳左右徇縱與爲死黨李定以邪諂竊臺諫且

西安府志卷三十一

七

安石擅國輔以絳之詭隨臺臣又用定輩繼續而來芽蘗漸盛呂惠卿刻薄辯給假經術以文奸言豈宜勸講君側書數十上又詣中書爭之安石舉扇掩面而笑戩曰戩之狂直宜爲公笑但天下笑公者不少矣遂稱病待罪出知公安縣徙監司竹監至舉家不食筭常愛用一卒其卒盜筭簿治之無少貸罪已正待之復如初卒於官

呂大鈞宋史字和叔大防弟藍田人中乙科調秦州司理叅軍改知三原縣請代父費入蜀移巴西縣費致仕大鈞亦移疾不行丁外艱家居講道數年起爲諸王宮教授改宣義郎會伐西夏鄜延轉運使檄爲從事既出塞轉運使李稷餽餉不繼欲還安定取糧使大鈞請於种諤諤曰吾

受命將兵安知糧道萬一不繼召稷來與一劍耳大鈿性剛直曰朝廷出師去塞未遠遂斬轉運使無君父乎諤意折始許稷還未幾道得疾卒年五十二大鈞從張載學居父喪衰麻葬祭一本於禮後乃行於冠昏膳飲慶弔之閒關中化之尤喜講明井田兵制謂治道必自此始雖皆本於載能自信力行載每歎其勇為不可及弟大臨字與叔學於程頤與謝良佐游酢楊時在程門號四先生通六經尤邃於禮每欲授習三代遺文舊制令可行不為空言以拂世駭俗元祐中為太學博士遷秘書省正字范祖禹薦其好學修身如古人可備勸學未及用而卒

金

西安府志卷三十六

古

楊天德關學編字君美高陵人肄業太學登進士第釋褐補聊城丞累遷轉運司度支判官京城不守流寓宋魯閒十年而歸自讀書至晚歲風節矯矯始終不少變晚讀大學解沿及伊洛諸書常語人曰吾少時精力奪於課試殊不省有此今而後知吾道之傳為有在也理沒篆刻中幾不復見天日目昏不能視書使其子講誦朝夕聽之以是自樂及有疾歌詠不衰曰吾晚年幸聞道死無恨矣卒年七十九

元

蕭魁元史字維斗奉元人性至孝出為府史上官語不合即引退讀書南山者三十年博極羣書天文地理律歷算

數靡不研究世祖分藩在秦辟軒侍秦邸軒以疾辭授陝西儒學提舉不赴後累授國子司業改集賢侍讀學士皆不赴大德十一年拜太子右諭德扶病至京師入覲東宮書酒誥為獻以朝廷時尚酒故也尋以病去職卒諡貞敏軒制行甚高真履實踐教人必自小學始為文辭立意精深言近指遠以洙泗為本濂洛考亭為據關輔之士翕然宗之

同恕元史字寬甫奉元人安靜端凝羈卯時日記數千言年十三以書經魁鄉校至元閒三召不起陝西行臺御史趙世延請奉元置魯齋書院中書奏恕領教事延祐六年以奉議大夫太子左贊善召入見東宮賜酒慰問繼而獻

西安府志卷三十六

古

書歷陳古誼盡開悟涵養之道明年春英宗繼統以疾歸恕之學由程朱上溯孔孟務浹洽事理以利於行教人曲為開導使得趨向之正性整潔平居雖大暑不去冠帶母張夫人卒事異母如事所生父喪哀毀致目疾時祀齋肅詳至嘗曰養生有不備事猶可復追遠有不誠是誣神也可追罪乎恕家居十三年指紳望之如景星麟鳳鄉里稱為先生而不姓至順二年卒年七十八制贈翰林直學士諡文貞所著有渠菴集

第五居仁關學編涇陽人元史同恕傳字士安幼師蕭軒弱冠從同恕受學博通經史躬率子弟致力農畝嘗行田閒遇有竊其桑者居仁輒避之鄉里高其行義率多化服